



ҚАЗАҚСТАН ҰЛТТЫҚ БАНКІ

АҚПАРАТТЫҚ ХАБАРЛАМАЛАР

2016 жылғы 9 қараша

ҚР ҰБ «2017 – 2019 жылдарға арналған республикалық бюджет туралы» Қазақстан Республикасы Заңының жобасындағы өлшемдерді қолдайды

Ұлттық Банк «2017 – 2019 жылдарға арналған республикалық бюджет туралы» Қазақстан Республикасы Заңының жобасындағы өлшемдерді қолдайды. Осындай ұстанымды ҚР Парламенті Мәжілісінің депутаттарының алдында сөйлеген сөзінде Қазақстан Ұлттық Банкінің Төрағасы Данияр Ақышев айтты.

«Ағымдағы жағдайда макроэкономикалық тұрақтылықты қамтамасыз етудің негізгі факторы Ұлттық Банктің ақша-кредит саясатын және Үкіметтің фискалдық саясатын үйлестіру болып табылады», – деді Ұлттық Банктің басшысы. «Сондықтан таяу жылдарға арналған макроэкономикалық өлшемдер бірлесіп пысықталып, Ұлттық Банк тарапынан қолдау тапты», – деп толықтырды.

ҚР-дағы инфляция деңгейі жылдың басынан бастап 6,2%-ды құрады– Д.Ақышев

2016 жылғы қазанның қорытындылары бойынша инфляция 0,6%, ал жылдың басынан бастап 6,2% деңгейінде қалыптасты, бұл дағдарысқа дейінгі кезеңнің көпжылдық мәндеріне сәйкес келеді. Бұл туралы ҚР Парламенті Мәжілісінде «2017 – 2019 жылдарға арналған республикалық бюджет туралы» Заң жобасының таныстырылымында сөйлеген сөзінде депутаттарға Қазақстан Ұлттық Банкінің Төрағасы Данияр Ақышев хабарлады.

«Ұлттық Банк жылдық инфляция бойынша нысаналы бағдарға алдағы 3-4 айда жетуді мүмкін деп санайды», – деп мәлімдеді Ұлттық Банктің басшысы. Д. Ақышев «Ұлттық Банктің негізгі басымдығы жылдық инфляцияны белгіленген дәлізде 8% шегінде жедел тұрақтандыру болып табылатынын» еске салып, «онсыз инвестициялық белсенділікті қайта бастау және ұлттық валютадағы ресурстар бойынша мөлшерлемелерді төмендету мүмкін емес» екенін атап өтті.

«Жылдық инфляцияны 8% деңгейге дейін төмендету ішкі бағалардың айырбастау бағамының жаңа өлшемдеріне бейімделу процесінің аяқталғанын білдіреді», – деп қорытындылады ол.

Базалық мөлшерлемеге қатысты кейінгі шаралар іс жүзіндегі және болжамдық инфляция жолына байланысты болады – Д.Ақышев

Базалық мөлшерлемеге қатысты кейінгі шаралар іс жүзіндегі және болжамдық

инфляция жолына, сондай-ақ халық пен нарықтың валюталық басымдықтарына байланысты болады. Бұл туралы бүгін ҚР Парламенті Мәжілісінде сөз сөйлеу кезінде ҚР Ұлттық Банкінің Төрағасы Данияр Ақышев мәлімдеді.

Қаржы реттеушісі басшысының айтуынша, «Ұлттық Банк жұмысының негізгі басымдығы ақша нарығындағы нарықтық пайыздық мөлшерлемелерді қалыптастыруға бағытталған, бұл экономикадағы ақшаның объективтік бағасын айқындауға мүмкіндік береді». Онсыз «банктердің нарықтық талаптармен нақты секторды кредиттеуі мүмкін емес».

Қазақстан Республикасында 9 айда ақша массасы 11,5%-ға ұлғайды – Д.Ақышев

Қазақстан Республикасында 9 айда ақша массасы 11,5%-ға немесе 2 трлн. теңгеге (19,2 трлн. теңгеге дейін) ұлғайды. Бұл деректерді Қазақстан Ұлттық Банкінің Төрағасы Данияр Ақышев бүгін ҚР Парламенті Мәжілісінде сөз сөйлеу кезінде атап көрсетті.

«Экономикада ақша ұсынысы, ең алдымен теңге бөлігі есебінен артуда. Теңге тапшылығы байқалмайды», – деді Д.Ақышев.

Оның айтуынша ақша нарығында теңгемен өтімділіктің құрылымдық профициті сақталып отыр: «Ұлттық Банк сұранысқа ие теңгемен құралдар шығаруда және олардың негізінде кірістілік қисығы қалыптасады. Бұл теңгемен ресурстардың әділ бағасын айқындауға мүмкіндік береді, бұл теңгемен кредиттеуді қайта бастау үшін қажетті талап болып табылады».

Соңғы екі айда валюта нарығында өктемдік жүргізген жоқ

2016 жылғы қыркүйекте және қазанда Ұлттық Банк валюта нарығында өктемдік жүргізген жоқ, тиісінше біздің қатысу үлесіміз 0% болды. Бұл туралы Қазақстан Ұлттық Банкінің Төрағасы Данияр Ақышев ҚР Парламентінің Мәжілісінде сөйлеген сөзінде хабарлады.

«Ұлттық Банк сыртқы және ішкі факторлардың ықпалымен қалыптасып отырған іргелі үрдіске кедергі келтірмейді. Қазіргі уақытта нарықта теңге бағамының шамалы күн сайынғы ауытқулары байқалып отыр. Қазақстанның ұлттық валютасының бағамы қазіргі кезде жағымды серпін көрсетіп отырған іргелі факторлардың әсерінен ғана қалыптасады», – деп мәлімдеді Ұлттық Банк басшысы.

Д. Ақышев Қазақстанның ішкі валюта нарығындағы ахуалдың тұрақты екендігін атап өтті. 2016 жылғы қазанның соңында теңгенің биржалық бағамы жыл басынан бері 1,4%-ға нығая отырып, бір АҚШ доллары үшін 335,12 теңге болды.

ҚРҰБ алтынвалютa резервтері жыл басынан бастап \$2,7 млрд. өсті – Д. Ақышев

Ұлттық Банктің халықаралық резервтері (Ұлттық қордың шетел валютасындағы активтерін есептемегенде) 2016 жылғы қазанның соңында 690,0 млн. АҚШ долларына немесе 2,2%-ға төмендей отырып, 30,5 млрд. АҚШ долларын құрады. Бұл туралы бүгін ҚР Парламентінің Мәжілісінде сөз сөйлеген кезде Қазақстан Ұлттық Банкінің Төрағасы Данияр Ақышев хабарлады.

Оның айтуынша, Ұлттық Банктің халықаралық резервтері банктердің шетел валютасындағы корреспонденттік шоттарындағы қалдықтардың төмендеуі, банктермен валюталық-пайыздықсвоп операцияларын өтеу, Үкіметтің сыртқы борышына қызмет көрсету бойынша операциялар жүргізу, сондай-ақ алтын бағасының бір айда 4%-ға

төмендеуінің нәтижесінде алтындағы активтерді қайта бағалау есебінен азайды. Ағымдағы жылғы қыркүйектегідей 2016 жылғы қазанда Ұлттық Банк ішкі валюта нарығында өктемдік жүргізген жоқ (Ұлттық Банктің қатысу көлемі нөлге тең).

Ұлттық қордың шетел валютасындағы активтері бір айда 3,6%-ға төмендеп (оның ішінде валюталық биржада 544,3 млн. АҚШ доллары сомасына конвертациялау операцияларын жүргізу есебінен), жедел деректер бойынша 62,2 млрд. АҚШ долларын құрады. Елдің халықаралық резервтері 3,1%-ға төмендеп, 92,8 млрд. АҚШ долларын құрады.

2016 жылдың басынан бері Ұлттық Банктің халықаралық резервтері 2,7 млрд. АҚШ долларына немесе 9,6%-ға ұлғайды, Ұлттық қордың шетел валютасындағы активтері 1,3 млрд. АҚШ долларына немесе 2,0%-ға төмендеді, тұтастай алғанда елдің халықаралық резервтері 1,4 млрд. АҚШ долларына немесе 1,5%-ға өсті, – деп атап өтті Д. Ақышев.

Қазақстанда теңгемен салымдардың үдемелі өсімі байқалуда – Д. Ақышев

Қазақстанда теңгемен активтерге және депозиттердің долларлануының төмендеуіне деген сенімнің қалпына келуінің жағымды үрдістері байқалды. «Халықтың және кәсіпорындардың валютаға басымдық беруі өзгеруде, теңгемен салымдардың үдемелі өсуі байқалуда», – деп хабарлады ҚР Парламенті Мәжілісінің депутаттары алдында сөйлеген сөзінде Қазақстан Ұлттық Банкінің Төрағасы Данияр Ақышев.

Д. Ақышев өз сөзінің растамасы ретінде мынадай деректер келтірді: «қыркүйектің қорытындысы бойынша шетел валютасындағы депозиттер үлесі 2016 жылғы қаңтардан бастап 70%-дан 58,3%-ға дейін, оның ішінде халықтікі 80%-дан 66,6%-ға дейін, заңды тұлғалардікі 62%-дан 52,5%-ға дейін төмендеді». Бұған көбіне Ұлттық Банктің теңгемен құралдар тартымдылығын арттыру жөніндегі шаралары ықпал етті (жеке тұлғалардың ұлттық валютадағы депозиттері бойынша ең жоғарғы мөлшерлемелер 2016 жылғы ақпанда 10%-дан 14%-ға дейін көтерілді және шетел валютасындағы депозиттер бойынша мөлшерлемелер 3%-дан 2%-ға дейін төмендетілді), деп атап өтті Ұлттық Банк басшысы.

2016 жылғы 9 айда ҚР-да берілген кредиттер көлемі І 525 млрд. теңгеге ұлғайды – Д. Ақышев

«Банктердің экономикаға кредиттерінің қалдығы ағымдағы жылы өзгерген жоқ – 12,7 трлн. теңге. Алайда, берілген кредиттер көлемі 2016 жылғы 9 айда 525 млрд. теңгеге ұлғайып, 7,2 трлн. теңге болды. Бұл жөнінде Қазақстан Ұлттық Банкінің Төрағасы Данияр Ақышев ҚР Парламенті Мәжілісінің депутаттары алдында сөз сөйлегенде хабарлады.

Ұлттық Банктің басшысы сондай-ақ теңгемен берілген кредиттер бойынша сыйақы мөлшерлемесінің қаңтардағы 23,7%-дан қыркүйекте 16,3%-ға дейін төмендеуін атап өтті.

«Шағын және орта бизнес субъектілерін дамытуды ынталандыру және баспананың қолжетімділігін қамтамасыз ету үшін мұндай қарыздар бойынша меншікті капиталдың жеткіліктілігіне талаптар төмендетілді. Цифрлар бұл шаралардың белгілі бір әсері болғанын көрсетіп отыр. Мәселен, 2016 жылғы 9 айда шағын кәсіпкерлік субъектілерін кредиттеу 2,8 трлн. теңгеге дейін 738 млрд. теңгеге немесе 36%-ға ұлғайды», – деп қорытындылады Д. Ақышев.

ҚР-дағы жұмыс істемейтін қарыздар үлесі 2016 жылғы 1 қыркүйекте 8,4% болды – Д. Ақышев

Тұтастай алғанда ҚР қаржы нарығындағы ахуал тұрақты болып қалып отыр. Жұмыс істемейтін қарыздар үлесі 2016 жылғы 1 қыркүйектегі жағдай бойынша банктердің жиынтық несие портфелінің 8,4%-ын (2016 жылғы 1 қаңтарда – 8,0%) құрады. Бұл туралы Қазақстан Ұлттық Банкінің Төрағасы Данияр Ақышев, бүгінгі ҚР Парламенті Мәжілісінде сөйлеген сөзінде хабарлады.

«Ұлттық Банк қаржылық тұрақтылықты қамтамасыз ету жөніндегі жұмысты жалғастыратын болады. Ел экономикасында дағдарысты құбылыстардың сақталуы жағдайында Ұлттық Банк қаржы нарығын реттеудің қарсыциклдық сипатын ұстанып, банк секторының жағымсыз оқиғаларға орнықтылығын тұрақты түрде бағалайтын болады», – деп хабарлады Д. Ақышев.

Бүгін ҚР Ұлттық Банкінің Төрағасы Данияр Ақышев ҚР Парламенті Мәжілісінде «2017 - 2019 жылдарға арналған республикалық бюджет туралы» заң жобасын таныстыру кезінде баяндама жасағанын естеріңізге сала кетеміз.

Қосымша ақпаратты мына телефондар бойынша алуға болады:

+7 (727) 2704 585

e-mail: press@nationalbank.kz

www.nationalbank.kz